

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput II. De impedimento matrimonium dirimente ex cognatione.

[urn:nbn:de:hbz:466:1-53587](#)

Idem ante Augustinum sanctus Ambrosius docuerat inquiens: *Nec illud moveat, quod ait, qui Joseph accepit conjugem suam.* Cum enim iniciatur conjugium, tunc conjugii nomen afficitur. Non enim defloratio virginitatis facit conjugium, sed pactio conjugalis. Denique cum conjungitur puella, conjugium est, non cum virili admixtione cognoscitur (*De Virgin.* t. 6.).

C A P U T II.

De impedimento matrimonium dirimente ex cognatione.

Triplex est cognatio: naturalis, legalis, & spiritualis. Naturalis cognatio appellatur consanguinitas: haec est vinculum inter duas personas, quae ex eodem proximo stipite descendunt, quod vinculum ex carnali generatione ortur, & matrimonium ad quartum usque gradum inclusivę nullum reddit.

Ut cognoscatur cognatio, duæ distinguendæ sunt linea recta, & collateralis. Recta linea illa est, in qua personæ una ab alia descendunt; sicut filius a patre, nepos a filio.

Hæc linea recta dividitur in lineam descendentium, quando descendendo per genitores geniti numerantur; aut in lineam ascendentium, quando a filiis ad patres numerando progredimur.

Linea collateralis illa est, in qua plures personæ ab eodem descendunt stipite, quamvis una aliam non genuerit: sic fratres in linea collaterali sunt consanguinei.

Ut

Ut sciatur in quo consanguinitatis gradu personæ sint, tres regulæ sunt observandæ. Prima quoad lineam rectam regula est, tot esse gradus, quot personæ, dempro stipite. Exempli gratia pater, filius, & nepos tres sunt personæ stipitem demas, qui est pater, patrem & filium reperies in primo esse gradu, filium & nepotem in secundo.

Secunda regula quoad lineam collateralen est, tot gradibus inter se distare personas, quo gradibus distant a communi stipite: hinc do fratres sunt in primo gradu, duo consobrini in secundo, & sic de reliquis.

Tertia regula quoad eamdem lineam collateralen est, gradum sumi a persona remoto. Exempli gratia Petrus duos filios habet, Joannem & Paulum; Joannes autem filium habet Antonium, & nepotem Guillielmum. Si petra quo cognationis gradu sint conjuncti Paulus & nepos Joannis, id est Guillielmus, responde tertio, quia Guillielmus nepos Joannis tribus gradibus a primo stipite distat, nempe a Petro, siquidem cum quatuor in linea recta personæ extent, videlicet Petrus, Joannes, Antonius Joannis filius, & Guillielmus Joannis nepos, unum demas, tres remanent. Igitur Paulus & Guillielmus Joannis nepos tertio consanguinitatis gradu sunt conjuncti.

Mundi initio, ut ejus incolæ augerentur, oportuit fratres sororibus in matrimonium copulari; sed postquam hi filios filiasque genuerunt, ab hujusmodi contrahendis matrimonii

De impedimento matrimonium Sc. 561

desitum est: fiebant præcipue matrimonia inter consobrinos, qui patrem vel matrem communem non habebant. Abraham Saram uxorem duxit filiam fratris sui, qui eodem patre natus erat, idest Thare, sed non eadem matre. Isaac uxorem duxit Rebeccam, quacum tertio consanguinitatis gradu jungenbatur; Jacob vero uxores accepit Labani filias, qui matris suæ frater erat, quocum quarto consanguinitatis gradu erat coniunctus. Amram Levi nepos accepit uxorem Jochabed patruelam suam, quæ peperit ei Aaron & Moysen (*Exod. 6.*). In Levitico (*cap. 18. & 20.*) plures enumerantur consanguinitatis gradus, in quibus matrimonia contrahere Deus vetat.

Pluribus sæculis matrimonia ad septimum usque gradum Ecclesia prohibuit. Innocentius Papa III. in Lateranensi Concilio hanc septem graduum prohibitionem ad quatuor tantum restrinxit (*Greg. ep. 21. lib. 12. Nicol. I. 35. qu. 3. c. nulli, c. non debet extra de cons. & affin.*), & Gregorius IX. hanc Constitutionem confirmavit, quæ adhuc in Ecclesia servatur.

Præceptum aliquid prohibens tripliciter naturale vocari potest. Primo quia res vetita adeo intrinsece mala est, ut mutatione nulla fieri umquam bona possit; sicut Dei odium, mendacium, & idololatria. Secundo quia res prohibita est quidem semper & ubique intrinsece mala, non tamen in extrema necessitate. Exempli gratia, vetitum est aliena invito domino rapere; tamen potest pauper in extrema necessitate id

Godeau Theol. Mor. Pars II. N n invi-

invito etiam domino surripere, quo opus
bet, ne fame pereat, quia in extrema necessitate
bona omnia sunt communia. Tertio quia re
verita mala quidem est absolute considerata, sed
mutatis circumstantiis bona & permissa esse pos
test. Exempli gratia, hominem occidere est
trinsece malum, sed si per judicis sententiam
reus occiditur, non est ista actio mala.

Consanguinitas non ex naturali praecepto pro
mi, tertii generis nullum reddit matrimonium.
Etenim nulla est consanguineorum intrinseca
mala conjunctio, ut nequeat Deus ab illa dispe
fare; quamvis consanguineorum conjunctio
quocumque gradu fiat, nude spectata, turp
sit & mala, ideoque naturae lege verita. An
men dici generatim nequit, hujusmodi con
ditiones naturali lege esse prohibitas; siquid
ob justam aliquam causam, & in pluribus cir
cumstantiis licet esse possunt. Quamobrem
oportet, ut positivae etiam specialesque leges es
tant, quae determinent circumstantias, in quibus
matrimonium inter consanguineos initum in
solum sit illicitum, sed etiam nullum, nam quae
ad nullitatem lex specialis requiritur, siquid
multa facta tenent, quae fieri prohibentur, pre
cipue in contractibus.

Hinc praeceptum matrimonia inter con
sanguineos prohibens, secundo tantum modo na
turali dici potest, ita ut hujusmodi matrimonia
non solum illicita sint, sed etiam nulla.

Primo prohibetur matrimonium inter filios
& matrem. Secundo prohibetur inter fi
lios patrum.

patremque. Nationes quælibet solo naturæ du-
stu hæc matrimonia detestatæ sunt, & Persarum
morem, apud quos filius cum matre matrimo-
nium inibat, reliquæ nationes damnarunt. Ter-
tio prohibetur matrimonium inter fratrem ejus-
que germanam sororem, id est ex iisdem natam
parentibus. Quarto prohibetur inter fratrem
& sororem, quæ ex eodem patre, vel ex ea-
dem matre nata sit. Quinto prohibetur inter
privignum & novercam: quod peccatum sanctus
Paulus in incesto Corinthio excommunicatione
puniit. Sexto prohibetur inter vitricum & pri-
vignam. Idem de illis statuendum est, qui in
linea recta quocumque gradu sunt juncti, de pa-
truo scilicet, avo, & abavo, cum suis filiabus,
aut neptibus. Ratio hujusce prohibitionis est
pudor & reverentia, quam iis, qui se genuen-
runt, & quos patres vocant, patribus nempe,
avis, abavisque debent filii exhibere. Civiles
leges hæc matrimonia prohibuere, ut ex Justi-
mani Institutionibus discimus (*tit. de nuptiis*).
Egregie sanctus Thomas de hisce prohibitioni-
bus agit, quarum (2. 2. qu. 154. art. 7.) plu-
res affert rationes (a).

Cate-

- (a) Qui scienter attenant in prohibitis hisce seu
consanguinitatis, seu affinitatis gradibus matri-
monium contrahere, in utroque Jure graves pœ-
nas incurvant; de Jure canonico excommunica-
tionem ipso facto a Clem. V. in Concilio Vien-
nensi Generali latam per *Clem. un. h. t.* subeunt:
debent etiam publice ut excommunicati denuncia-
ri. De Jure Civili Josephus I. Imperator pro Ro-
mano Imperio in Ordinat. Criminali art. 19 san-
xit,

Cætera vero inter consanguineos & affines matrimonia, præter haec tenus recensita, cum non sint neque illicita, neque nulla, & cum graduum prohibitio, quæ in Levitico legitur, ad Mosaicam legem pertineat, nec Christi fideles obligare possit, siquidem Dei Filius in Evangelio nihil ad id spectans præcepit; merito interfertur, nullum gradum præter recensitos, neque naturali jure, neque divino, Fidelium matrimonia posse impedire. Quapropter facultas dicitur Ecclesiæ, ut legibus suis definiat, intra quinque gradus matrimonia contrahere liceat, vel eadem contrahere non sit permisum, imo etiam invalidide contrahantur; sive ad matrimonii honorem servandum, sive ad hominum concordiam regendam, sive ad plura animarum damna vitando. Deus in universum statuit, ut legitimæ perficerent Sacramenti matrimonii subiectum, & illud suscipiendum aptæ; sed Ecclesiæ sua auctoritatem tribuit declarandi, quæ sint legitime personæ & ad contrahendum aptæ; quæ matrimonii sint impedimenta: proinde potest ipsa hæc impedimenta restringere, aut relaxare, que dispensare in iis gradibus, in quibus jure ecclesiastico, non autem naturali, matrimonium est vetitum. Hac semper auctoritate usitata Ecclesia; & sanctus Gregorius magnus Anglorum

xit, ut incestus inter parentes, & proles, inter cognatos in primo, & secundo gradu, & inter affines in primo gradu lineæ rectæ gladio puniantur. Hæc serviant vel maxime Confessariis, & Parochis ad absterendum fideles ab ejusmodi incestibus intuitu tam gravis poenæ & infamiae.

post eorum statim conversionem permisit, ut in quarto & in tertio etiam consanguinitatis gradu matrimonia contraherent. Tridentinum Concilium anathemate perculit hæreticos, qui docent Ecclesiam hujusmodi dispensationes concedere non posse. Caute tamen debent Pontifices facultate uti, & præcipue in secundo gradu non est dispensandum, ut ait Tridentinum, *nisi inter magnos Principes, & ob publicam causam.* Hispaniarum Reges consuetudine gaudent, ut amitas suas neptesque ducere possint uxores, ne regni jus extra regiam familiam exeat. At hujusmodi matrimonia felices non semper successus habuere; timendum imo est, ne occulto Dei judicio divina maledictio super ipsa descenderit. Porro si id affirmare licet de Regibus, qui ex publicis causis matrimonia ista celebrare possunt; privatis multo magis timendum est hominibus, qui non ex publicis causis, sed ex cupiditate, aut ex avaritia hujusmodi matrimonia contrahunt.

Idem dicendum est de gradibus affinitatis, quæ a marito contrahitur cum uxorū suæ consanguineis; & ab uxore cum consanguineis viri sui. In veteri Lege tenebatur frater fratris sui absque liberis defuncti uxorem ducere, ad fratris semen fuscitandum. Ad septem olim gradus impedimentum affinitatis extendebatur, at in Lateranensi Concilio ad quatuor tantum est redactum, in quibus si absque Pontificis, aut Dicæfani Episcopi dispensatione matrimonium contrahitur, est invalidum.

N n 3

Du-

Duplex est spiritualis cognatio, quæ matrimonium contrahere vetat, & contractum infinitat. Prima est paternitas; quæ contrahitur inter baptizantem, si sit laicus, & baptizatum vel quæ contrahitur inter personam, quæ de Baptismo puerum suscipit, aut de Confirmatione, & baptizatum ipsum, aut confirmatum. Secunda est compaternitas, quæ contrahitur a baptizante, & ab eo, cui puerum de Baptismo suscepit, cum carnali patre & matre baptizato. Hujus cognitionis ratio est, quia Baptismus spiritualis generatio, cui eadem reverentia debita, quæ carnali paternitati tribuitur. De jure antiquo spiritualis cognatio oriebatur inter legitimos & naturales baptizantis filios & baptizatum, item inter legitimos patrini filios, & baptizatum, quæ vocabatur confraternitas. Tridentinum Concilium (Sess. 24. cap. 1.) hanc sustulit, ideoque nullum hodie oritur impedimentum inter patrini aut baptizantis filios & baptizatum. Præterea sancta Synodus statuit unus tantum, vel unus & una baptizatum a Baptismo suscipient; inter quos ac baptizatum ipsum & illius patrem & matrem, nec non inter baptizantem & baptizatum, baptizatique patrem ac matrem tantum spiritualis cognatio contrahatur. Quod si alii ultra designatos baptizatum tetigerint, cognitionem spiritualem nullum pactio contrahant. Patrinorum uxores non plius, ut olim, cognitionem contrahunt cum baptizato, vel ejusdem parentibus.

Si ante matrimonium hæc spiritualis cognatio contrahitur, illud celebrare ipsa verat; si autem matrimonio supervenit, non potest illud solvere, sed solum marito vel uxori jus adimit debitum conjugale petendi, quando alteruter cognationem contraxit, nisi aut ex ignorantia invincibili, aut ex inevitabili necessitate illam contraxisset.

Legalis cognatio illa est, quæ ex adoptione oritur, cuius ope naturalium filiorum carentia supplet, qui hortim loco extraneos sibi adoptat. Porro adoptio impedimentum est, quod matrimonium ad quartum usque gradum inclusive nullum reddit, sicut consanguinitas.

Tres gradus adoptio continet: primus est inter adoptantem & adoptatum, hujusque filios & nepotes. Secundus est inter adoptantis filios & adoptatum; filios, inquam, legitimos. Tertius est inter adoptantis uxorem & adoptatum, item inter adoptantem & adoptati uxorem. Horum graduum differentia est, quod secundus non est perpetuus, & solum durat usque dum filii sunt sub patris potestate; nam patris morte, aut filii emancipatione; aut patria potestate cessante, impedimentum cessat; primus vero tertiusque gradus impedimenta sunt perpetua, quæ solum Pontificis dispensatione tolluntur.



N n 4

CA.